

南
北
史
合
注

欽定四庫全書

南北史合注卷十五

明 李清 撰

列傳第四

南史十五

宋宗室及諸王下

宋文帝諸子

孝武諸子

明帝諸子

文帝十九男元皇后生元凶劬潘淑妃生始興王濬路

淑媛生孝武帝吳淑儀生南平穆王鐸高脩儀生廬陵
昭王紹殷脩華生竟陵王誕曹婕妤生建平宣簡王宏
陳脩容生東海王禕謝容華生晉熙王昶江脩容生武
昌王渾沈婕妤生明帝楊美人生始安王休仁邢美人
生山陽王休祐蔡美人生海陵王休茂董美人生鄱陽
王休素顏美人生臨慶冲王休倩陳美人生新野懷王
夷父荀美人生桂陽王休範羅美人生巴陵哀王休若
紹出權廬陵孝獻王義真劬濟皆另見

南平穆王錄字休宏文帝第四子元嘉十六年年九歲
封南平王少好學有文才未弱冠擬古三十餘首時謂
亞迹陸機二十二年為南豫州刺史加都督時文帝方
事外畧罷南豫州并壽陽以錄為豫州刺史領安蠻校
尉二十六年魏太武圍汝南懸瓠城行汝南太守陳憲
保城自固魏作高樓施弩射城內城內負戶以汲又毀
佛圖取金象為大鈎施之衝車端以牽樓堞城內有一
沙門頗有機思輒設奇應之魏人以毀墓車填塹肉薄

攻城死者與城登遂登尸以陵城憲銳氣愈奮戰士無
不一當百殺傷萬計汝水為不流相拒四十餘日鏖造
安蠻司馬劉康祖與寧朔將軍臧質救之魏人火攻具
而退元凶弒立以鏖為侍中錄尚書事郤迎蔣侯神於
宮內疏孝武年諱厥呪祈請假授位號使鏖造策入及
義軍入宮鏖與濟俱歸孝武濟即伏誅帝迎鏖入宮當
時倉卒失國璽事寧更鑄給之進侍中司空領兵置佐
以國哀未閱讓侍中鏖歸義最晚常懷憂懼每於眠中

蹶生與人語亦多謬僻語家人云我自覺無復魂守錄
為人負才狡競每與兄弟計度藝能與帝又不能和食
中遇毒尋薨贈司徒加以楚穆之諡三子敬猷敬深敬
先敬深封南安縣侯敬先繼廬陵王紹前廢帝景和末
俱被殺見母妃江氏傳

予已改列江妃於烈女傳矣

其夕廢帝亦殞明帝即位追贈敬猷侍中諡曰懷改封
孝武帝第十八子臨賀王子產為南平王權鑠後未拜

被殺泰始五年立晉平王休祐第七子宣曜為南平王
繼鑠休祐死宣曜被廢還本後廢帝元徽元年立衡陽
恭王巖第二子伯玉為南平王繼鑠後齊建元元年遇
害

宋書曰以謀伏誅與劉綽同 愚讀齊本紀載弑順
帝後方滅劉族當稱齊建元元年本史猶稱昇明三
年非也今正之餘倣此

竟陵王誕字休文文帝第六子元嘉二十年年十一封

廣陵王二十六年為雍州刺史加都督以廣陵凋弊改
封隨郡王帝欲大舉侵魏以襄陽外接關河欲廣其資
力乃罷江州軍府文武悉配雍州湘州入臺租稅雜物
悉給襄陽及大舉北侵命諸藩並出師皆奔敗惟誕遣
中兵參軍柳元景充宏農關陝多獲首領關洛震動孝
武入討遣寧朔將軍顧彬之受誕節度誕遣參軍劉季
之舉兵與彬之并遇劾將華歆庾遵於曲阿之奔牛塘
大敗之事平以誕為荊州刺史加都督衛將軍開府儀

同三司誕以位號與濟同惡請求回改乃進號驃騎將軍加班劔二十人南譙王義宣不肯就徵以誕為侍中驃騎大將軍揚州刺史開府如故改封竟陵王誕性恭和得士民心頗有勇畧明年義宣反挾荆江兗豫四州之力勢震天下帝即位日淺朝野大懼帝欲奉乘輿法物迎義宣誕固執不可曰奈何持此座同人帝加誕節仗士五十人出入六門上流平定誕之力也誕初討元凶豫同舉兵有奔牛之疾至是又有殊勲帝性多猜頗

相疑憚而誕造立第舍窮極工巧園池之美冠於一時
多聚材力之士實之第內精甲利器莫非上品帝意愈
不平孝建二年以司空太子太師出為南督南徐州刺
史帝以京口去都密邇猶疑之大明元年秋又出為南
兗州刺史加都督誕知見猜亦潛為之備至廣陵因魏
侵邊修城隍聚糧練甲嫌隙既著道路常云誕反三年
建康人陳文詔訴父饒為誕府史恒使入山圖畫道路
不聽歸家誕大怒使人殺饒吳人劉咸又訴稱息道就

伏事誕見誕在石頭城內修乘與法物習唱警蹕向伴
侶言之誕知之密捕殺道就豫章人陳談之又上書稱
弟詠之在誕左右見誕與左右莊慶傳元禮等潛圖奸
逆常疏陛下年紀姓諱往巫鄭師隣家呪咀詠之與建
康右尉黃達往來誕疑其宣漏誣以罪被殺其年四月
帝使有司奏誕罪惡宜絕屬籍削爵土收付法獄帝不
許有司又固請乃貶爵為侯遣令之國帝將謀去以義
興大守桓閭為兖州刺史配以羽林禁兵遣給事中戴

明寶隨間襲誕使閔以之鎮為名閔至廣陵誕未悟也
明寶夜報誕典籤蔣成使開門內應成以告府舍人許
宗之宗之告誕誕驚起召錄事參軍王璵之曰我何罪
於天至此斬蔣成勒兵自衛遣腹心率壯士擊明寶等
破之閔遇害明寶自海陵界逃還帝遣車騎大將軍沈
慶之討誕

宋書曰誕焚燒郭邑驅居民入城分遣書檄要結遠
近時山陽內史梁曠家在廣陵誕執其妻子遣使要

曠曠斬使拒之誕怒滅其家又記室參軍賀弼字仲
輔會稽山陰人有文才誕閉城拒使弼固諫再三誕
怒抽刃向之乃止或勸弼出降弼曰王舉兵向朝廷
此事既不可從荷王厚恩又義無違背惟當以死明
心耳乃服藥自殺

誕奉表投城外自申於國無負并言帝宮聞之醜

宋書載表曰往年元凶禍逆臣背函赴順可謂常節
及丞相構難陛下欲率百官羽伐星馳推奉臣前後

固執方賜允俞社稷獲全是誰之力今忽信用讒言
令無名小人來相掩襲不任枉酷即加誅剪雀鼠貪
生仰違詔勅令勒部曲鎮扞徐充先經何福同生皇
家今有何愆便成胡越陵鋒奮戈萬沒豈顧盪定有
期典在旦夕又曰陛下宮闈之醜豈可三緘臨紙悲
塞不知所言

孝武忿誕深切凡誕左右腹心同籍甚親並誅之死者
千數車駕出頓宣武堂內外慕嚴誕見衆軍大集欲棄

城北走行十餘里衆並不欲去請誕還城

宋書曰誕欲北走留中兵將軍沈靈賜守廣陵自將步騎數百人親信並自隨聲云出戰邪趙廣陵道慶之遣龍驤將軍武念追之誕行十餘里衆皆不欲去請誕還城誕曰我還卿能為我盡力否衆皆曰願盡力左右楊承伯牽誕馬曰死生且還保城欲持此安之乃還築壇歃血以誓衆其所署輔國將軍孟玉秀曰陛下親軟羣臣皆稱萬歲

五月十九日夜有流星長十餘丈從西北來墜城內是
謂天狗占曰天狗所下有伏尸流血廣陵城舊不開南
門云開南門者不利其主至誕乃開焉彭城邵領宗在
城內陰結死士欲襲誕先欲布誠於慶之乃說誕求為
間構見許領宗既出致誠畢復還城內事泄誕鞭二百
考問不伏遂支解之帝遣送章二組其一曰竟陵縣開
園侯十邑千戶募賞擒誕其二曰建興縣開國男食邑
二百戶募賞先登若克外城舉一烽克內城舉二烽擒

誕舉三烽七月二日慶之進軍克其外城乘勝又克小城誕聞軍入走趣後園墜水

宗書曰誕趨後園執玉環刀與左右數人散走隊主沈肩之等追及誕橋上自衛肩之傷其面因墜水墜水

引出殺之傳首建鄴因葬廣陵貶姓留氏同黨皆伏誅帝命城中無大小悉斬慶之執諫自五尺以下全之城內女口為軍賞男丁殺為京觀死者上數千人每風晨

兩夜有號哭聲誕母殷妻徐並自殺追贈殷長寧國淑妃

宋書曰初誕使黃門呂曇濟興左右素所親信者將世子景粹匿民間分以金寶出門並散走惟曇濟不去攜景粹十餘日沈慶之捕得斬之

初誕為南徐州刺史在京口夜大風飛落屋瓦城門鹿牀倒覆誕惡之及遷廣陵陵將入城衝風暴起揚塵晝晦又嘗中夜閑坐有赤光照室見者莫不駭愕誕左右

侍直眠中夢人告之曰官須髮為稍眊既覺已失髻矣
如此者數十人誕甚怪懼大明二年發人築廣陵城誕
循行有人干輿揚聲大罵曰大兵尋至何以辛苦百姓
誕使執之問其本末答曰姓夸名孫在海陵天公與道
佛先議欲燒除此間人道佛苦諫強得至今大禍將至
何不立六慎門誕問六慎門云何答曰古有言禍不過
六慎門誕以其言狂背殺之又五音士忽狂易見鬼驚
怖啼哭曰外軍圍城上張張白布帆誕執錄二十餘日

乃殺

宋書敘作赦之

城陷之日雲霧晦冥白虹臨北門亘屬城內八年前廢
帝即位義陽王昶為徐州刺史道經廣陵至墓盡哀表
請改塋誕

宋書載表曰臣聞淮南中霧眷求遺緒楚英流殛爰
存邛墓法雖事斷禮或情申賊劉誕稱戎犯節自遺
逆命青斧嬰戮在憲已彰但生均宗籍死同匹豎旅

定委雜封樹不修今歲月愈邁愆流霧往踐境興悚
感事傷目昔樂布哭市義犯雷霆田叔鉗諸志甘夸
戮死在天倫何獨無感伏願薄改褊褊微表寔則
朽骨知榮窮泉識荷臨紙哽慟辭不自宣

詔葬誕及妻子並以庶人禮明帝始泰四年又改葬祭
以少牢

愚按誕於孝武有功乃疑忌橫加逼之使反君臣俱
有過焉故不入逆臣傳

王璵之琅邪人有才局其五子悉在建鄴璵之嘗乘城
慶之縛其五子示而招之富以富貴璵之曰吾受王厚
恩不可以二心三十之年未獲死所耳安可以私親誘
之五子叫號於外呼其父及城平慶之悉撲殺之

宋書及通鑑曰范義字明休濟陽考城人為誕左司
馬母及妻子並在城內或勸義出降義曰吾人吏也
子不可棄母吏不可叛君必若何康之而生吾弟為
也初康之為誕參軍謀開門納官軍不得斬關出降

誕為高樓置康之母於上暴露之不與食母呼康之
數日死故義云然又曰司州刺史劉季之誕故佐也
驍果有膂力梁山之役又有戰功在州貪殘司馬瞿
宏業諫甚苦季之積醜置醜食中殺之少年與與宗
慙蒲戲曾侮慙慙深啣恨至是慙為豫州刺史都督
司州季之慮慙為難乃委官欲間道歸朝會誕反季
之至盱眙其太守鄭瑗以季之素荷誕遇疑與同逆
因邀殺之時誕亦遣要季之及季之首至沈慶之送

示誕季之齒垣護之亦亦缺誕謂衆曰此護之頭非
季之也後瑗為山陽王休祐驃騎中兵參軍會豫州
刺史殷琰與晉安王子勛同逆休祐遣瑗及左右邢
龍符說琰琰不受鄭氏壽陽強族琰即使瑗鎮軍子
勛責琰舉兵遲晚琰欲自解將殺龍符送首瑗固爭
不得及壽陽降龍符兄僧愍時在城外疑瑗搆殺龍
符輒殺瑗後僧愍擊荊淮西敗死此四者並由橫殺
受禍論者以為有天道

建平宣簡王宏字休度文帝第七子早喪母元嘉二十一年年十一封建平王宏少而閑素篤好文籍文帝寵愛殊常為立第於雞籠山盡山水之美建平國職高他國一階厯位中護軍中書令元凶弑立孝武入討邵錄宏殿內自拔莫由孝武先嘗以一手板與宏宏遣左右親信周法道齎手板詣孝武事平以為尚書左僕射使迎太后還加中軍將軍中書監

宋書曰時詔百官進議曰頃干戈未戢戰備

宜修而戎衛之間多非其才或以資厚素加或以祿
薄帶帖或寵由權門恩自私假一旦邊城舉燧羽檄
交馳而欲其環甲推鋒立功閭外臨難命師皆出倉
卒驅烏合之衆隸造次之主貌踈情乖有如胡越豈
能使其同力拔危濟難也哉今欲改選將校皆得其
力令撫養士卒使恩信先加然後三令五申使進退
中律孫子曰視卒如子故可與之共死豈不由恩著
者士輕其生令明者卒畢其力

為人謙儉周慎禮賢接士明達政事帝甚信仗之轉尚
書令宏少多病求解尚書令本號三司儀同三司未拜
薨追贈司徒帝痛悼甚至每朔望出臨靈自為墓誌銘
并誄

宋書載孝武與顏竣書曰宏素心令蹟一旦永謝平
生未遠舉目如昨而賞對遊娛緬同千載哀酷纏綿
實增痛切卿情均休戚重以周旋乖拆少時奄成今
古聞問傷惋當何可言 愚按孝武猜薄同氣不啻

仇讐僅此一札猶薦友于故錄之

五年益諸弟國各千戶薨者不在例惟宏追益子景素
嗣景素少有父風位南徐州刺史加都督桂陽王休範
為逆景素集兵眾以赴朝廷為名而陰懷兩端及事平
進號鎮北將軍景素好文章書籍招集才義之士傾身
禮接以收名譽朝野屬意而後廢狂凶失道內外皆謂
景素宜當神位惟廢帝所生親戚親戚疾忌之而楊運
長阮佃夫並明帝舊隸貪幼主以久其權慮景素或立

不見容於長主深相忌憚元徽三年景素防閤將軍王季符怨恨景素因奔告運長等云景素欲反運長等便欲遣軍討之齊高帝為中領軍及衛將軍袁粲以下並保持之景帝亦遣世子延齡還都具自申理運長等乃徙季符於梁州又奪景素征北將軍開府儀同三司自是廢帝狂勃日甚野野屬心景素陳氏及運長等彌相猜疑景素因稍為自防計多以金帛結才力之士時文帝諸子俱盡諸孫惟景素長且在藩甚得人心而謗聲

日積深懷憂懼嘗與劉琨獨處曲臺有鵲集於承塵上
飛鳴相追景素泣然曰若斯鳥者遊則參於風煙之上
止則隱於林木之下飢則啄渴則飲形體無累於物得
失不關於心一何樂哉時廢帝單馬獨出游走郊野輔
國將軍曹欣之等謀候廢帝出門因聚衆作難事克奉
景素景素每禁之未欲忽忽舉動運長密遣傖人周天
賜偽投景素勸為異計景素知即斬之送首還臺四年
七年羽林監桓祗祖奔景素言臺城已潰

宋書載景素以金帛結才力之士祇祖亦在在嚮附中

景素即信之舉兵運長等常疑景素有異志即纂嚴
宋書曰運長等常疑景素有異志及聞祇祖叛走便
纂嚴備辦命冠軍將軍任農夫等領步軍右軍將軍
張保等率水軍又以冠軍將軍段佛榮為都統相繼
往攻之景素欲斷據竹里以拒臺軍左軍左六垣慶
延沈顥與祇之並不從及農夫等至放火燒市邑而

慶延等各相顧望並無關志

負戈至者數千人景素本乏威畧竟為臺軍所破斬之
宋書曰時張保水軍泊西渚景素左右勇士數十人
並荆楚快手自相要結擊水軍應時推陷斬保而諸
將不相應付復為臺軍所敗顯先叛走祇祖次之餘
相繼敗走惟參軍左暄驍果有胆力欲為景素盡節
力戰臺下而所配兵力甚弱不能禁遂亦退散景素
因此敗于延齡及二少子並被害慶延祇祖亦與暄

同誅

葬京口性甚仁孝仁孝事獻太妃朝夕不違侍養太妃
有不安景素傍行蓬髮

愚按宋書載故秀才劉璉誦景素十德今不能備錄
或隨事附見或無事可附者另錄 璉之言曰王事太
妃不違養帳下進珍饌太妃不食王投箸不食太妃
起居不安王傍行蓬髮

與人言咄咄常恐傷其情

璉之言曰王博聞容諫與人言煦煦如有傷譽善而掩惡王蔚之寒素王枉駕訊之何季穆等先王之舊王提挈升之

又甚儉素為荊州時有高齋刻楹柏構景素竟不處朝廷欲賜以甲第辭而不當兩宮所遺珍玩塵於篋笥食常不過一肉罷用瓦素時有獻鏤玉器景素顧主簿何昌寓曰我持此安所用哉乃謝而反之

璉之言曰當明常太始蒼梧王元徽中無謂孝武景

安者王獨抗情而行不以趨時捨義出鎮入朝必先
拜陵所又每折獄必降聲氣和顏色以待士女之訟
時見夏伯以童子縲繫王愴然不加刑徐州常歲飢
散秩粟俸帛以周民乏不軌內寵姬嬙數人皆詔命
所賜宋明帝新崩諸王相繼非命微王為太常楚下
人士並勸弗下臣謂為臣拒先皇之命不忠為子不
奉親之寃寧不孝遂棄西州匍伏北闕後聞京室有
難言及太后未嘗不掩泣

及敗後昌寓與故記室王擒等上書訟其寃

南齊書何昌寓傳載書曰伏尋故建平王因心自遠
忠孝基性徽和之譽早布國言勝素之情夙洽民聽
世祖綢繆太宗眷異朝中貴人野外賤士雖聞見有
殊誰不悉斯事者元徽之間政闕羣小構扇異端有
必巔之危無蹇足之安行路寒心往來跼蹐而王夸
慮坦然委之天命惟謙惟敬專誠奉國閭無執戟之
衛門闕衣介之夫此五尺童子所見一淪疑似身名

頓滅冤結洲泉酷貫穹昊時經隆替歲改三元曠蕩
之惠亟申被枉之澤未流俱沐溫光獨酸霜露明公
普天地之施散雲雨之潤物無巨細咸被慶渥若今
日照蒙照滌則為萬代冤魂昌寓義切於心痛入骨
髓滌賜紓憤仰希神照辨明枉直亮王素行使還名
帝籍歸靈舊塋死而不泯豈忘德於黃墟分軀碎首
不足上謝

齊受禪景素故秀才劉璉又上書述其德美陳冤

宋書載遜表曰臣聞浸潤之行骨肉離絕疑似一至
君臣易心此中山所以款款奏樂孟博所以慷慨囊
頭者也臣每唯故舉將宋建平王景素之禍悲徹骨
髓氣凝霜霰今璇鼎啟運人神改物生罪尚宥死寬
必伸臣不忍王負謗不雪故敢明言其理王名高海
內義重太山故從昏者忘明向枉者毀正擗絃為鈞
張一作百行坐歎噫皆生風塵即就王起兵一事言
之當時君臣之道治亂云何楊運長阮佃夫為有罪

耶為無罪耶若其無罪何故被戮若其有罪討之何
辜王豈不君君親之無罪乎顧以救火之家豈暇先
白丈人徒以運屬凌知力靡施蹉跌傾覆此乃時也
豈謂反乎臣聞武王克商未及下車封王子之墓漢
高定天下過大梁修信之祀祀晉世受命亦追王凌
之寬詔其孫為郎夫比干殷辛罪人也無忌魏之疑
臣也彥雲齊之賊而害晉也適逢革運之君昭功蕩
怨殊世相明故諸賢咸著其令問三后馳光於萬葉

今陛下振逸世奇聲何至仍衷世異議以掩前人之
名哉且世之興衰何代蔑有齊萬世之後其能無污
隆乎苟前良可廢何以勸後伏願上同周漢西晉之
如彼下為來胤垂範之如此倘能降明詔箋枉道使
往王得洗謗議賜以王禮反葬斯民之從義猶回風
捲草也臣言輕落毛身如積芥雖神高聽邈直欲內
不負心惟陛下裁察

並不見省至齊武帝即位下詔曰宋建平王劉景素名

父父之雖末路失圖而原心有本可聽以禮葬舊塋

廬陵王禧字休秀文帝第八子元嘉二十二年年十一
封東海王大明七年進位司空明帝踐阼進大尉封廬
陵王初廢帝目禧似驢帝以廢帝言肖故改封焉文帝
諸子禧尤凡劣諸兄弟並嫌鄙之南平王鐸薨子敬深
婚禧視之白孝武借伎孝武答曰婚禮不不舉樂且敬
深孤苦伎非宜也至是明帝興建安王休仁詔曰人既
不比數西方公汝便為諸王之長時禧住西故謂西方

公泰始五年河東柳欣慰謀反欲立裨裨與相酬和欣
慰結征北諮議參軍杜幼文幼文具奏其事帝暴其罪
惡

宋書載裨使左右石虎兒以金合一枚餉杜幼文銅
鉢二枚餉宋祖珍王龍伯皆欣慰同謀也幼文并奏
其事又裨於明帝為兄故詔有云公若德望深重宜
膺大統朕初平暴亂豈敢當璧自然推奉符璽蓋忌
之也又詔內載裨狀狀有云公昔在孝武時得一漢

女云能行厭呪朝夕拜伏敬事如神令其呪詛孝武
巫稱神旨必景如願又景和流毒初誅太宰義恭等
曾於建章宮必朕飲醉公遂賜苦言云朕及休仁與
太宰親數往必請問贈貶豐厚朕當時惶駭五內崩
墜邇又謹事邪巫嘗被髮跣足稽首北極圖畫朕躬
勒以名字或加之鋒刃或烹之鼎鑊云云 愚謂禱
凡劣素著何險毒乃爾毋乃欲加之罪何患無辭
點為南豫州刺史車騎將軍開府儀同三司又遣腹心

楊運長領兵防衛明年令有司奏律怨懟逼令自殺葬宣城

晉熙王昶字休道文帝第九子元嘉二十二年年十歲封義陽王大明中位中書令中軍將軍開府儀同三司廢帝即位為徐州刺史加都督昶輕詆褊急不能事孝武大明中常被嫌責人間常言昶富有異志廢帝既誅羣公彌縱狂惑常語左右曰我即大位來遂未戒嚴使人邑邑江夏王義恭誅後昶表求入朝遣典籤遞法生

銜使帝謂法生曰義陽與太宰謀反我正欲討之今知求還甚善又問法生義陽謀反何不啓法生懼走還彭城帝因此謀害昶法生至昶即起兵統內諸羣並不受命昶知事不捷乃夜開門奔魏棄母妻惟攜妾一人作丈夫服騎馬自隨在道慷慨為斷句曰白雲滿鄆來黃塵半天起関西四面絕故鄉幾千里因把姬手南望慟哭左右莫不哀哽每節悲慟遙拜其母昶家還卻二妾各生一子明帝即位名長者曰思遠小者曰懷遠尋並

帝以金千兩贖祖於魏不獲乃以第皇子燮繼祖封晉
熙王見後

武昌王渾字休深文帝第十子元嘉二十四年年九歲
封武陰王後徙武昌渾少而凶戾常忿左右拔防身刀
斫之元凶殺立以為中書令山陵夕裸身露頭往散騎
省因彎弓射通直郎周朗中枕以為笑樂孝建元年為
雍州刺史監雍梁南北秦四州荊州之竟陵隨二郡諸
事寧蠻校尉至鎮與左右人作文擬自稱楚王年號元

光備置百官以為戲笑長史王翼之得其手迹封呈孝武帝使有司奏免為庶人下太常絕屬籍徙付始安郡逼令自殺

宋書載孝武遣使詰渾曰我與汝親則同氣義則君臣云何一旦反欲見圖文檄處分事迹炳然不忠不義何乃至此國雖有典我亦何忍極法好自將養以保松喬之壽愚按此駭兒戲事耳何忍遽置同氣於死此二十八子所以繼剪也

時年十七即葬襄陽大明四年聽還葬母江太妃墓次
明帝即位追封武昌縣侯

建安王休仁文帝第十二子元嘉二十九年年十歲立
為建安王前廢帝景和元年景遷護軍將軍時帝狂悖
無道誅害羣公忌諸父父並聚之殿內毆捶陵蔑無復
人理休仁及明帝山陽王休祐形體並肥壯帝乃以竹
籠盛而稱之以明帝尤肥號為猪王號休仁為殺王休
祐為賊王以三王年長尤所畏憚故常錄以自近不離

左右海東王禕凡芳號驢王桂陽王休範巴陵王休若
年少故並得從容嘗以木槽盛飯納諸雜食攪令和合
掘地為阬窵實以泥水裸明帝內坑中以槽食置前令
以口就槽食之用為歡笑欲害明帝及休仁休祐前後
以十數休仁多計數每以笑調諛悅之故得推遷嘗於
休仁前左右淫逼逼休仁所生楊太妃左右並不得已
順命至右衛將軍劉道隆道隆歡以奉旨盡諸醜狀時
廷尉劉暉妻孕臨月帝迎入後宮異其生男欲立為太

子明帝嘗忤旨帝怒乃裸之縛其手足以杖貫手足內使擔付大官即日屠猪休仁笑謂帝曰未應死帝問其故休仁曰待皇太子生殺猪取肝肺帝意解曰且付廷尉一宿出之帝嘗南游荆湘二州明且欲殺諸父便發其夕被殺於華林園休仁即日便執臣禮於明帝時南平王敬猷廬陵王敬先兄弟被害猶未殯歛休仁休祐同載臨之開帷歡笑鼓吹徃反時人咸非焉明帝以休仁為侍中司徒尚書令揚州刺史給三望車時劉道隆

死尋軍休仁求解職曰臣不得與此人同朝帝乃賜道
隆死尋諸方逆命仁都督征討諸軍事增班劍為三
十人出據虎檻進據赭圻尋領太子太傅摠統諸軍中
流平定休仁力也初行與蘇侯神結為兄弟以祈福助
及事平與休仁書曰此段殊得蕪兄神力休仁年與帝
相亞俱好文籍素相愛及廢帝世同經艱危帝又資其
權譎之力泰始初四方逆命休仁親當矢石大勲克建
任摠百揆親寄甚隆四方輻輳帝常不悅休仁悟其旨

表解揚州見許進位太尉領司徒固讓又加漆輪車劍履升殿受漆輪固辭劍履帝末年多忌休仁轉不自安及殺晉平王休祐憂懼彌切其年帝疾篤與楊運長為身後計運長等又慮帝晏駕後太子幼弱休仁一旦居周公之地其輩不得執權彌贊成帝使害諸王及帝疾暴甚內外皆屬意休仁主書以下皆往東府詣休仁所親信豫自結納其或直不得出者皆懼帝既宿懷此意又聞物情向之乃與運長等定謀召休仁入宿尚書下

省其夜遣人齎藥賜休仁死休仁對使罵曰上有天下
誰之功也孝武以誅子孫而至於滅今復遵覆轍枉殺
兄弟奈何忠臣抱此冤濫我大宋之業其能久乎帝疾
久慮人情同異自力乘輿出端門休仁死後乃入詔稱
其自殺時年三十九

宋書曰上既殺休仁慮人情驚動與諸方鎮及諸大
臣詔曰休祐吞嚼聚斂為西數州之蝗吾為兄弟恩
不及致之以法且每恨大明兄弟情薄親見休祐屯

苦時始得安寧彌不忍聞所以改授徐州冀其悛革
乃未及之任便驚動萬端暴濁愈甚不可復全致殞
之本為民除害兄弟無復多人每應思弔不成益相
親信不意休仁從此日生嫌懼每宵輒語左右云我
已復得今日及在房內見諸伎妾恒語云不知朝
夕見底若一旦死去作鬼亦不取汝取汝正是亂人
耳由來十日五日一就問楊太妃自休祐死後每吾
詔必先至太妃問如分別狀吾射雉聞其腹痛悉其

體有冷患知必是冷乃勅太醫上省送供御高良薑
飲賜之休仁忽大驚告左右稱敗今日了左右答曰
是御詩名封題乃命左右先飲猶不堪信乃飽悅噉
之纔進一合許又休仁既經南討與宿衛將軍習狎
常曰出入於廂下經過都不交言及吾積日失適每
出入殿省無不和顏慰勞又方便使墨度道人及勞
彥遠覘吾起居吾與休仁親情實異年少以來恒相
追隨情向大趣亦往往多同難否之日每共契濶兼

南討為都統大有勲績狀之於心亦何極已但休仁
於吾望既不輕小人無知亦多背向既生猜貳不復
自寧夫禍難之來皆意所不悟如其意趣人莫能測
反覆思惟不得不有近日處分夫兄弟之情不能無
厚薄休祐之亡雖復悼念猶可以理割遣及休仁之
殞悲愍特深千念不能已已舉言傷心事之細碎既
不可曲載詔文兼欲存其兒子不欲窮法為詔之辭
不得不云有兵謀非實也故相報知上與休仁素厚

既死痛悼甚至謂人曰我與建安年時相鄰少便狎
從景和太始間勲誠實重事計文切不得不除痛念
之至不能自已今有一事不如與諸侯共說歡適之
方於今盡矣因流涕不自勝

宥其二子并全封爵有司奏請降休仁為庶人絕屬籍
兒息悉徙遠郡詔休仁特降為始安縣王并停子伯融
等流徙聽襲封爵及帝疾甚見休仁為崇叫曰司徒小
寬我尋崩伯融休仁妃殷氏所生殷氏吳興太守冲女

范陽祖翻有醫術姿貌又美殷氏有疾翻入視脈悅之
遂與奸事泄遣還家賜死

宋書曰後廢帝時伯榮悉封始興王弟伯猷初繼江
夏王封休仁死還本後廢帝賜爵都鄉侯楊運長等
畏忌宋室稱詔俱賜死 愚按休仁雖有大功然勸
明帝殺孝武諸子者休仁也夫孝武諸子殺而幸臣
楊運長等遂用法阱休仁矣或謂皇太子弱建安王
兄弟尚在將來非社稷計或謂休仁其其孝武諸子

是殘而何有於陛下子則明帝必心動然則休祐休若何以殺亦休仁殺也休仁何以殺亦休仁自殺也噫孝武所餘無一免一免而休仁二子能免也哉

王平刺王休祐文帝第十三子孝建二年年二十一封陽王明帝即位以山陽荒弊改封晉平王位驃騎大將軍開府儀同三司荊州刺史休祐素無才能強梁自用大明之年少未能自專至是貪淫好財色在荊州多營貨以短錢一百賦人田即特索白米一斛米粒皆令微

白若碎折者悉不受民間糴此米一斗一百至時又不
受米評米責錢凡諸求利皆如此百姓嗷然不復堪命
徵為南徐州刺史加都督帝以休祐貪暴不可蒞民留
之都下遣上佐行府州事休祐狼戾前後忤意非一在
荊州時左右范景達善彈劾帝召之休祐留不遣帝怒
詰責之且慮休祐將來難制方便除之七年二月車駕
射雉於巖山有一雉不肯入塲日暮將反留休祐射之
令不得雉勿歸休祐時從在黃麾內左右從者並在部

伍後休祐並馳去帝遣左右數人隨之帝既還前驅清道休祐人從悉散不復相得帝遣壽寂之等諸壯士追之日已欲暗與休祐相及蹠令墜馬休祐素勇壯有氣力奮拳左右排擊莫得近有一人自後陰引因頓地即共拉殺之遣人馳白帝行唱驃騎落馬帝聞驚曰驃騎體大落馬殊不易即遣御醫上藥相繼至頃之休祐左右人至久已絕矣與還第贈司空時巴陵王休若在山陵其日即馳信報休若曰吾與驃騎南山射雉驃騎馬

驚與直閣夏文秀馬相蹶文秀墮地驃騎失控馬重驚
觸松樹墜地落砌中時頓悶故馳報第其年五月追免
休祐為庶人十三子並徙晉平明帝尋病見休祐為崇
使使至晉平撫其諸子帝尋崩廢帝元徽元年聽諸子
還都齊高建元元年稱謀反並賜死

辨見前

海陵王休茂茂文帝第十四子孝建二年年十一封海陵
王大明二年為雍州刺史加都督北中郎將寧蠻校尉

時司馬庾深之行府州事休茂性急欲自專深之及主帥每禁之常懷忿又因所親左右張伯超多罪過常加訶責伯超懼罪謂休茂曰主帥密疏官罪欲以啓聞休茂曰今為何計伯超曰唯殺行事及主帥舉兵自衛縱不成不失入國中為王休茂從之夜使伯超等殺司馬庾深之集兵建牙馳檄

宋書曰使佐吏上已車騎大將軍開府儀同三司加黃鉞侍讀博士荀銑諫爭左右曹萬期挺身斫休茂

辨

宋書載休範與袁粲等書曰先帝穆於友于留心親戚廬陵以年長居卑怨心形色晉平在藩刻削怨結人鬼二王之釁實自由已但建安巴陵勞譙為國中流事難有不世之勲奉時如天事兄如父非惟令友實為國器唐叔之忠而受管蔡之罪親戚哀憤行路嗟昔事平後面受詔誨禮則君臣樂則兄弟升級賜賁動不移年撫慰孜孜恒如不足豈容一旦致此禍

害良有以也于時出入卧內惟有運長道隆羣細無
狀因疾構禍見上不和知無廖拯慮宴駕日長王作
輔不得自專詭辭詭貌萬類千端升進姦回屠斥賢
哲主上即位曾無悛改先帝舊人非罪黜落薦致鄉
親遍布朝省諂諛親狎者飛榮玉除靜貞粹粹者柴
門生草事非關已雖非必行若不諮詢雖是必抑海
內遠近人誰不知未解事事不加斧鉞使先帝有殺
弟之名貽醜聲於君父格以古義豈得為忠先帝崩

殂若無天地理痛常情便應赴泣但兄弟枉酷已陷
說細孤子以下復觸機機是以望陵墳而摧裂想鑒
旂而抽慟雖復才違寄寵而地屬負荷顧命之辰曾
不及分崩之際詔出二豎天誘其衷得居於外若受
羣邪則玉石同碎矣以宇宙之基一旦受制平瑣觀
其意趣豈可涯量設使遂其虐志諸君欲安坐得乎
桂蠹必除人邪必剪枉笑徙薪何勞多力望便執錄
二豎以謝冤魂便當投命有司謝罪天闕伊霍之任

非君而誰周召之責頗以自許臨紙荒哽言不詳第
發自尋陽晝夜取道大雷戍主杜道欣馳下告變道欣
至一宿休範已至新林朝廷震動齊高帝為平南將軍
出次新亭壘時事起倉卒朝廷兵力甚弱開南二府庫
隨將士意取休範於新林步上坂新亭壘屯騎校尉黃
回乃偽往降并宣齊高意休範大悅置之左右休範壯
士李恒鍾典進諫不宜親之休範曰不欺人以信時休
範日飲醇酒以二子德宣德嗣與齊高為質至即斬之

回與越騎校尉張苟兒直前新休範首持還左右並散
初休範自新林分遣同黨杜墨蠡丁文豪等直向朱雀
門休範雖遇害墨蠡等不知王道隆率羽林兵在朱雀
門內聞賊至急召劉劭勔自石頭來赴戰死之墨蠡等
乘勝直入朱雀門道隆為亂所殺墨蠡等唱云太尉今
至矣休範之死也齊高帝遣隊主陳靈寶齋首還臺逢
賊埋首道側挺身得達雖唱云已而無以為據衆愈疑
惑墨蠡徑至杜母宅宮省惶擾無復固志撫軍長史褚

澄以東府納賊擁安成王據東府稱休範教曰安成王
吾子也勿得侵賊勢方逼衆莫能侵已丁文豪之衆知
休範已死稍欲退散文豪勇氣如壯厲聲曰我獨不能
定天下耶會休範首至又羽監陳顯達率所領破破墨
蠡於杜母宅諸賊一時奔散斬墨蠡文豪等晉熙王
燮自夏口遣軍平尋陽

巴陵哀王休若文帝第十九子孝建三年年九歲封巴
陵王明帝即位出為會稽太守加都督二年遷都督雍

州刺史寧蠻校尉前在會稽錄事參軍陳郡謝沈以謫
側事休若多受財賂時內外戒嚴並著袴褶沈居母喪
被起聲樂酣飲不異吉人衣冠既無殊異並不知沈居
喪沈嘗自稱孤子衆乃駭愕休若坐與沈褻躡降號鎮
西軍典籤夏竇期事休若無禮啓明帝殺之慮不許啓
未報於獄行刑信反令鎖送而竇期已死帝怒勅之曰
孝建之世汝何敢爾使其母羅加杖三百四年改行湘
州刺史六年為荊州刺史加都督征西大將軍開府儀

同三司

冊府元龜曰會稽太守孔顗反遣尚書張永建威將軍沈懷明及休若子重統諸軍征之瑄所遺孫曇灌等軍頓晉陵九里部陳甚盛懷明至奔牛所領寡弱乃築壘自守永至曲阿未知懷明安否乃自驚擾將帥咸勸退保破岡其日大風雪塘埭決壞衆無固心休若宜令敢言退者斬衆少定尋知懷明未還軍軍主劉亮又至兵力轉加人情乃安

七年晉平王休祐被殺建安王休仁見疑都下訛言休
若有至貴之表明帝以此言報之休若甚憂嘗衆賓滿
坐有一異鳥集席隅哀墜地死又廳事上有二大白蛇
長丈餘咍咍有聲休若甚惡之會被徵為南徐州刺史
加都督征北大將軍開府如故休若腹心將佐咸為還
朝必有大禍中兵參軍京兆王敬先勸割去荆楚休若
執錄馳使白明帝敬先坐誅休若至京口帝以休若善
緝物情慮將來傾幼主欲遣使殺之慮不奉詔徵入朝

又恐猜駭乃偽授休若江州刺史徵還召拜手書殷勤使赴至即於第賜死

宋書載休若既死上與桂陽王休範書曰吾使諸王在藩正合游游而已本不以武事而休若在西廣名弓馬健兒都不啟聞心迹既不復可測因其還朝在弟與書詰讓許密自引分狀如暴疾致故差得於其名位及見子悉得全也休若既是汝弟使其欲心得申者汝得守治城邊作太尉公耶治城邊者廬江王

裱昔在西州故云

贈侍中司空子冲始襲封

宋書曰昇明三年薨 辨見前 裴子野曰夫噬虎

之獸知愛已子搏狸之鳥非護異巢明帝保字螟蛉

剝拉同氣既迷在原之天屬未識父子之自然宋帝

告終非天廢也夫危亡之君未嘗不先棄本枝姬煦

旁孽推城壁狎疾惡父兄前乘覆車後來并轡借使

仲叔有國猶不失配天而它人入室將七廟絕祀曾

是莫懷甘心擄落晉武背文明之托而覆中州者賈
后文帝棄初寧之誓而發合殿者元凶禍福無門奚
其豫擇友于兄弟不亦安乎

孝武帝二十八男文穆皇后生廢帝子業豫章王子尚
陳媛媛生晉安王子勛阮容華生安陸王子綏徐昭容
生皇子子深何淑儀生松滋侯子房史昭華生臨海王
子項殷貴妃生始平孝敬王子鸞次永嘉王子仁興皇
子子深同生何婕妤生皇子子鳳謝昭容生始安王子

真江婕妤生王子子玄史昭儀生邵陵王子元次齊敬
王子羽與始平孝敬王子鸞同生江美人生皇子子衡
楊婕妤生淮南王子孟次皇子子儀與皇子子玄同生
次南平王子產與永嘉王子同生次晉陵孝王子雲雲
次皇子子文並與始平孝敬王子鸞同生次廬陵王子
興與淮南王子孟同生次南海王子子師與始平孝敬
王子鸞同生次淮陽思王子霄與王子子玄同生次皇
子子雍與始安王子真同生次皇子子趨與皇子子鳳

同生次皇子子期與皇子子衡同生次東平王子嗣興
始安王子真同生張容華生皇子子悅安陸王子綏南
平王子產廬陵王子興並出繼皇子子深子鳳子玄子
衡子况子文子雍未封早夭子趙子悅子期未封為明
帝所殺

豫章王子尚字孝師孝武第二子孝建三年年六歲封
西陽王大明三年分浙江西立王畿以浙江東為揚州
以子尚為刺史加都督六年改封豫章王領會稽大守

七年進號車騎大將軍開府儀同三司時東土大旱鄆縣多鰥田孝武使子尚上表至鄆縣勸農又立左學召生徒置儒林祭酒一人學生師敬位比州治中從事文學祭酒一人比州西曹勸學從事二人比祭酒從事前廢帝即位罷王畿復舊黜子尚都督揚南徐二州諸軍事領尚書令初孝建中孝武以子尚太子母弟甚留心後新安王子鸞以母幸見愛子尚寵衰及長凶慝有廢帝風明帝既殯廢帝乃稱太皇太后令曰子尚頑凶楚

王淫亂並於第賜盡楚王廢帝姊山陰公主也廢帝改封會稽郡長公主給鼓吹一部加班劍二十人未拜受而廢帝敗

晉安王子勛字孝德孝武第三子眼患風不為孝武所愛大明四年年五歲封晉安王七年為江州刺史加都督八年改封授雍州未拜而孝武崩還為江州時廢帝狂凶多所誅害前撫軍諮議參軍何邁謀因帝出為變迎立子勛事泄帝誅邁使八生奏子勛與邁通謀遣左

右朱景送藥賜子勛死景至盆口遣報長史鄧琬琬等奉子勛起兵以廢為名名明帝定亂進子勛車騎將軍開府儀同三司琬等不受命泰始二年正月七日奉子勛為帝即皇帝位於尋陽年號義嘉

愚按義隆文帝御名元嘉文帝年號採故號而犯祖諱子勛之不成於一字決之矣其鄧琬不學無術所為乎

備置百官四方響應威震天下是歲四方貢計並詣尋

陽及軍敗子勛見殺時年十一即葬尋陽廬山

松滋侯子房字孝良孝武第六年大明四年年五歲封
尋陽王前廢帝景和元年為會稽太守加都督明帝即位
徵為撫軍領太常長史孔覲不受命舉兵應晉安王
子勛上虞令王晏殺覲送子房還建鄴帝宥之貶為松
滋縣侯司徒建安王休仁以子房兄弟終為禍難勸帝
除之廢徙遠郡見殺年十一

子房死在後與永嘉王子仁六人同禍

臨海王子頊字孝烈孝帝第七子初封歷陽王後改封
臨海位荊州刺史明帝即位進督雍州長史孔道存不
受命應晉安子勛勛事敗賜死年十一

與子頊先同賜死者尚有安陸王子綏見本紀

始平孝敬王子鸞字孝利孝武第八子大明四年封襄
陽王尋改封新安五年為北中郎將南徐州刺史領南
琅瑯太守母殷淑儀寵傾後宮子鸞愛冠諸子凡為帝
時遇者盡入子鸞府國為南徐州又割吳郡屬之六年

丁母憂前廢帝素疾子鸞有寵及即位既誅羣臣乃遣使賜子鸞死時年十歲子鸞臨死謂左右曰願後身不復生王家同生弟妹並死明帝即位改封始平王以建平王景素子延年嗣

宋書曰昇平三元堯 此必蕭道成所害

永嘉王子仁字孝餘孝武第九子大明五年封永嘉王明帝即位以為湘州刺史

宋書載太宗遣主書趙扶公宣旨於子仁曰汝一家

門戶幾覆社稷天未亡宋景命集我上流迷愚相扇
四海同惡若非我修德除亂三祖基業一朝墜地汝
輩便淪異族之手我昔兄弟近二十人零落相繼今
存者無幾惟司徒年長令德作輔皇家門戶所憑惟
我與司徒而已尚未能厭人姦心餘諸王亦未堪贊
治我惟太子一人司徒世子年弱桂陽巴陵並未有
繼體正賴汝輩兄弟相倚為強庶使天下不敢覬覦
王室汝諸兄弟冲眇為羣凶逼誤還圖骨肉於汝在

心不得無愧即日四海就寧處汝湘州汝年漸長當
思刻厲奉朝廷為心爵秩自然與年俱進我垂猶子
之情著於萬物汝亦當知好憶我勅旨 愚按此旨
宣於建安王休仁南討時及其還也遂勸明帝盡殺
孝武諸子矣故休仁作孫之罪有浮明帝

帝尋從司徒建安王休仁計未拜賜死時年十歲

始安王子真字孝貞孝武第十一子

邵陵王子元字孝善孝武第十三子並被明帝賜死

此與子頊子綏先同賜死者非並也見本紀

齊敬王子羽字孝英孝武第十四子生二歲薨追加封
諡

淮南王子孟字孝光孝武第十六子初封淮南王明帝
改安安成王未拜賜死

本紀內載子孟同母弟廬陵王子與亦賜死何以不
載

晉陵孝王子雲字孝舉孝武第十九子大明六年封未

拜亡

南海哀王子師字孝友孝武第二十二子大明七年封
未拜為前廢帝所害明帝即位追諡

淮南思王子霄字孝雲孝武第二十三子早薨追加封
諡

東平王子嗣字孝叔孝武第二十七子明帝賜死

武陵王贊字仲敷小字智隨明帝第九子明帝既誅孝
武諸子詔以贊奉孝武為子封武陵王

宋書載明帝詔曰孝武皇帝恃尊墮惠勲狹政弛樂
飲無厭事因于寧泰任威縱費義緣于務寡故以積
怨動天流殃肩嗣景和兆蒙義嘉成禍今其繼體陷
憲無遺昔皇家中圯舍生懼滅賴英孝感憤掃雪寃
耻繼絕追遠禮訓攸尚况既帝且兄而缺斯典今以
第九子智隨奉孝武為子武陵郡大明之世事均代
邦可封武陵王

順帝昇平二年薨

愚按資治通鑑云非疾也其為蕭道成所害無疑考
宋室諸王薨于是年者尚多故皆簡宋書補錄之以
著道成惡

時年九歲國除

明帝十二男陳貴妃生後廢帝謝修儀生王子法良陳
昭華生順帝徐婕妤生第四皇子鄭修容生皇子智井
次晉熙王燮與王子法良同生泉美人生邵陵王友
次江夏王暕與第四皇子同生徐良人生武陵王贊杜

修華生隨陽王翽次新興王嵩與武陵王贊同生又泉
美人生始建王禧智并燮躋贊並出繼法良未封第四
皇子未有名早夭

江夏王燮字仲綏明帝第六子義陽王昶於前廢帝時
奔魏帝贖之不獲乃以燮繼昶封晉熙王詔曰晉熙國
太妃謝氏沈刻無親物理罕比骨肉至親尚相棄蔑况
以義合免苦為難可還其本家削絕籙秩先是改射氏
為謝氏元徽元年燮年以歲以為郢州刺史明年復昶

所生射氏為晉熙國太妃齊受禪降封安陰縣公云謀反賜死

邵陵殤王友字仲賢明帝第七子年五歲出為南中郎江州刺史封邵陵王後廢帝元徽二年桂陽王休範誅後王室微弱友府州友案及臣吏不諱有無君之心順帝昇明二年徙南豫州刺史薨無子國除

隨陽王翽字仲儀明帝第七子初封南陽王昇明二年改封隨陽齊受禪降封舞陰縣公

新興王嵩字仲岳明帝第十一子齊受禪降封定襄縣公

始建王禧字仲安明年第十二子齊受禪降封荔浦公
尋並云謀反賜死

論曰甚哉元嘉之遇禍也弑逆之釁事起肌膚因心之
重遂亡天性

宋書曰自赫胥以來立號皇王統天南面未開斯禍
惟荆呂二國棄華即戎武靈胡服亦背華典戕賊之

暴事起肌膚而因心之重獨止此代難興天屬穢流
牀第

雖鴈鋪受誥未極於斯其不至覆亡幸也明皇統運疑

際在構所加先自王威晉刺以獷暴推軀已哀由

初身之路未知攸適昔之戒子慎勿為善詳

其旨將有以乎孝武諸子提挈以成暴亂遂至宇內沸

騰王室如毀而帝之諸莫不殲焉強不如弱義在於

此明帝負螟之慶事非已出枝葉不茂豈能庇其本

南北史合注卷十五